

ՄԵԼԿ

Տարեկան գինը 10 ռուբլ, կէս տարեկանը 6 ռուբլ:
Առանձին համարները 5 կոպէկով:
Թիֆլիսում գրվում են միմիայն խմբագրատան մէջ:
Օտարաբարացիք դիմում են ուղղակի
Тифлис. Редакция «Мелк»

Խմբագրատունը բաց է առաւօտեան 10—2 ժամ
(Քաջի կիրակի եւ տօն օրերից):
Ցայտարարութիւն ընդունվում է ամեն յետոյ:
Ցայտարարութիւնների համար վճարում են
խրաքանչիւր թուին 2 կոպէկ:

ԲՈՎԱՆԻՎԱԿՈՒԹԻՒՆ

ՆԵՐՔԻՆ ՏԵՍՈՒԹԻՒՆ. Նամակ Գորուցի
Ներքին լուրերը.—ԱՐՏԱՔԻՆ ՏԵՍՈՒԹԻՒՆ. Ֆե-
րանսիա. Հայոց խնդիր. Անգլիա. Գերմանիա.—
ՀԵՌԱԿԻՆՆԵՐ. — ՅԱՅՏԱՐԱՐՈՒԹԻՒՆՆԵՐ. —
ԲԱՆԱՍԻՐԱԿԱՆ. Նամակ Գերմանիայից:

ՆԵՐՔԻՆ ՏԵՍՈՒԹԻՒՆ

ՆԱՄԱԿ ԳՐՈՒՅՑ

Օգոստոսի 3-ին

«Մշակի» ընթերցողներին արդէն յայտնի է
Ուփլիսցիի գիւղը, որ գտնվում է Գորուցի գե-
պի արեւելք 5 վերստ հեռավորութեամբ: Ընթեր-
ցողը նոյնպէս գիտէ, որ այս գիւղի հայերը յու-
նադաւանութիւն էին ընդունում այնտեղի ծխա-
տէր Բարսեղի քահանայի վատ վարմունքի
պատճառով: «Մեղուն» ուղում էր այն լուրը
փարատել, բայց ինչպէս կը փարատէր երբոր
հաստատ լուր էր:

Ուփլիսցիի գիւղի բնակիչները բոլորը հայեր
են, և այնտեղ ոչ մի վրացի չը կայ: Վրացիներ-
ից ոչ մէկը չէ համարձակվում գնալ և բնակվել
այնտեղ, որովհետեւ վախենում են այն խօսքից,
որ ասում են թէ եթէ վրացին գնալ և բնակվի
այնտեղ կենդանի չի մնալ: Ասում են իբր թէ
երբեմն վրացիք գնացել են այնտեղ բնակվելու,
բայց չէ անցել մի փոքր ժամանակ ետքը կո-
տորվել են: Ուփլիսցիի բնակիչները նեղ տեղ
ընկնելով իրանց քահանայից, խնդրի էին տուել
հոգևոր իշխանութեանը, որով խնդրում էին հե-
ռացնել այն քահանային, ապա թէ ոչ պատ-
րաստ էին ընդունելու յունադաւանութիւն:
Խնդրի հետ ուղարկել են իրանց ուղղած Թիֆլի-
սի նահանգապետին խնդրի պատճենը, որով

խնդրում էին նահանգապետից իրաւունք տալ ի-
րանց ընդունել յունադաւանութիւնը: Բայց
վերջը իմանում ենք, որ թէպէտ նահանգապետի
խնդրի պատճենը ուղարկել են հոգևոր իշխա-
նութեանը, բայց նահանգապետին իսկական խն-
դիրը այլ ևս չեն ուղարկել:

Հոգևոր իշխանութիւնը լսել է Ուփլիսցիից
խնդիրը և Բարսեղի քահանային Ուփլիսցի-
ից տեղափոխել է Գիւրը գիւղը, որ գտնվում
է Գորուցի 30 վերստ հեռավորութեամբ: Լսում
ենք, որ Թիֆլիսից ելած իմանալով Բարսեղի
քահանայի վատ վարմունքը և Գիւրի հեռա-
րութիւնը Տիֆլիսից, որ չէ կարողանում 30
վերստից գալ և հովուել իրանց՝ չեն ընդունում:
Ի հարկէ տիֆլիսից ելած չեն կարող առանձին
քահանայ պահել և սրանք ուղում են որ իրանց
հովուի Գորուցի քահանայներից մէկը իսկ Ուփլի-
սցիից ինքն ինքն Գիւրի Գորուցից քահա-
նա, որը Բարսեղից անցնելու համար հովում էր Ուփ-
լիսցիից ինքն ինքն: Լսում ենք, որ Գորուցից
Ուփլիսցիի նշանակելու ժամանակ Մամբրէ
վարդապետը պայման է կապել նրա հետ, որ 120
ր. ուղարկի իրան, հակառակ դէպքում կը տե-
ղափոխվի Տղվիս գիւղը, որ գտնվում է Գորուցի
12 վերստ հեռավորութեամբ: Գորուցից քահա-
նան չունենալով այդքան փող, որ միանուագ ու-
ղարկէր Մամբրէին, ուղարկել է Մամբրէին միայն
30 ր. Միքայէլ քահանայ Սիմէօնեանցի ձեռքով,
որը կարծեմ հէնց այդ նպատակով էր ուղարկած
Մամբրէից, իսկ մնացած 90 ր. խոստացել է յե-
տոյ ուղարկել և չը գիտեմ այն էլ ուղարկեց թէ
ոչ: Փառք ու պատիւ Թիֆլիսում Մամբրէ վար-
դապետին, իսկ էլ միանում Մանուկին եպիսկո-
պոսին: Այժմ Գորուցից քահանան յունադաւա-
նութեան մէջ է, դեռ ինքն չէ ընդունել Ուփլի-
սցիից ինքն ինքն կը մնայ թէ կը տեղափոխվի Տղվի-
սի հարկէ այդ կախված է Մամբրէից: Խեղճ ժո-
ղովորդն էլ չէ իմանում թէ ինքը լիակատար
իրաւունք ունի իր հովուը ընտրելու և ոչ թէ

էջմիածինը: Երբ Գորուցից տեղափոխվեց Ուփ-
լիսցիից գիւղը, Գիւրից ելած յունադաւանութե-
անը, վերջապէս ինչպէս որ եղաւ այս քահանան
համոզեց նրանց թէ հոգևոր իշխանութեան կամ-
քն այսպէս է:

Այս տարի վառեան գիւղում, որ գտնվում է
Գորուցի գեպի արեւմուտք 8 վերստ հեռավորու-
թեամբ, ընդունել է յունադաւանութիւն Միքա-
յէլը խիզանեանց անունով մի մարդ իր ընտանի-
քով: Սրա պատճառն այն է որ Բուխի գիւղի
Յարութիւն քահանան, որ հովում է և վա-
ռեանցիներին, լաւ չէ վարվում ժողովրդի հետ
և ամենայն ինչ ուղում է կողոպտել նրանցից:
Միքայէլը խիզանեանց կալի ցորեն պարտ է եղել
այս քահանային և չէ ունեցել որ տար և խոս-
տացել է տալ, եթէ փոքր ինչ կը սպասի: Բայց
սա չէ սպասել և ստիպել է որ անշուշտ չուտով
տայ, եթէ ոչ ոտ չի դնի նրա տունը: Այսպէս
էլ եղաւ: Չանցաւ մի փոքր ժամանակ, այս
մարդը որդի ունեցաւ և հրաւիրեց իր քահանա-
յին որ տուն օրհնի, բայց քահանան չէ գնում:
Այստեղի գիւղերում այնպիսի սովորութիւն կայ,
որ երբ երեխան ծնվեց, եթէ խնդրի տունը չը
օրհնվի, պիտի են համարում այն տունը և ոչ ոք
չէ համարձակվում գնալ այնտեղ մինչև չօրհն-
վի: Խիզանեանց ճարտաստեալ դարձեալ հրաւի-
րում է իր քահանային և ասում է թէ եթէ դու
չես գալ՝ վրաց քահանային կը բերեմ, դարձեալ
չէ գնում: Վերջապէս խիզանեանցը յունադաւա-
նութեան հանում է չորերը կանգնում է առուակի
ափը, հրաւիրում է վրաց քահանային և մկրտ-
վում է վրաց ծէսով, սրան հետևում է և իր ըն-
տանիքը, հետևելու են և միւսները, նրանք էլ
նեղացած լինելով Բուխի Յարութիւն քահանա-
յից: Այսպիսի օրինակներ շատ կան, բայց ո՞ր
մէկն ասեմ, կամ ո՞ր մէկը գրեմ:

Կարծում ենք սրա վրա հոգևոր իշխանու-
թեան ուղղութիւնը և խնդրում ենք որ ու-
ղարկութիւն դարձնի հայ դաւանների վրա, իր

որդոց վրա, հետաքրքրվի այս բաներով, տեղու-
թիւն անի, խնամք տանի, արժանաւոր քահա-
նաներին վարձատրի և անարժաններին պատժի:
Թէ չէ վրաստանի գիւղերի հայերը կորած են
թէ կրօնով և թէ ազգով, որովհետեւ ով որ հայ-
լուսաւորչականերից մի այլ դաւանութիւն է ըն-
դունում, կարծում է թէ ազգով էլ փոխվեց:
Կարծեալ խնդրում ենք հոգևոր իշխանութեանը,
որ շուտով նշանակի այստեղ մի օրինաւոր յա-
ջորդ, և մի և նոյն ժամանակ հրամայի մանգալ
գիւղերը և ոչ թէ տանը նստի և աչքերը դէպի
դուռն ունենայ դարձած թէ արդեօք գիւղի քա-
հանաներից ոչ մէկը չէ գալիս ընծաներով: Յա-
ջորդի պարտքն է հոգևոր կառավարութեան կա-
նոնաւոր ձև տալ և մանգալ գիւղերն և այսպի-
սի խռովութեանց և անբաւականութեանց ա-
ռաջն առնելը:

Գորեցի

ՆԵՐՔԻՆ ԼՈՒՐԵՐ

Որ չէ անցնում որ մեր խմբագրատանը չը
ներկայանային խնդրատու բազմաթիւ մարդիկ,
որոնցից մինը նիւթական օժանդակութիւն է
խնդրում, միւսը խնդրում է որ մենք պաշտօն
տանք նրան, երրորդը որ մենք նրա որդուն ու-
սում տանք, և այլն: Ո՞ր են մեր հարուստնե-
րը, ո՞ր է մի հայոց բարեգործական ընկերու-
թիւն: Մենք մեր կարողութեան չափ արդէն ա-
նում ենք՝ համ թան աք ով, գրչով ենք աշխա-
տում, համ էլ մեր գրպանից հազարներ ենք դը-
նում լրագրի դէֆիցիտի վրա: Մնացածը թող
ուրիշներն անեն:

Յայտնի է որ այս րօպէիս կան Ռուսաստա-
նում չորս թէ հինգ հրէական օրգաններ ուսե-
րէն լեզուով, որոնք ամեն հարցերում քաջու-

ԲԱՆԱՍԻՐԱԿԱՆ

ՆԱՄԱԿ ԳԵՐՄԱՆԻԱՅԻՑ

(Վերջ)

«Տեսնելով» որ շատերը մեզ չեն հասկացել և
գուցէ շատերը չեն համարկեր մեր կանոնագրի
զանազան կէտերին, մենք որոշեցինք մեր ազգա-
յին լրագրերի միջոցաւ յայտարարել ընկերու-
թեան նպատակը և նորա կանոնագրութեան
զիւստը կէտերը մեր ազգայնոց և խոնարհարար
խնդրել թէ բարեխիտ խմբագիրներէն և թէ առ-
հասարակ բարեհասկամ ազգայիններէն, որ նրանք
չը խնայեն մեզմէ իրանց կարծիքը և դիտողու-
թիւնները, տան մեզ խորհուրդ և ցոյց տան մի-
ջոցներ գործը առաջ տանելու: Ներկայ տարւոյս
սեպտեմբեր ամսոյ 11-ին, ընկերութեան տարե-
կարծի օրը, մենք ընդհանուր ժողով մի պիտի
անենք և մեր կանոնագիրը պիտի վերանայնենք,
յուսաւմք, որ մինչև այդ օրը մեր ազգայինք չեն
վանար մեր խնդիրը կատարել, ինչպէս է ձեր
կարծիքը, բարեկամ, այս գաղափարի մասին:

—Շատ գեղեցիկ միտք է, պատասխանեցի ևս,
բայց էլի մտքովս անցաւ, խեղճ, խեղճ երկուս-
տադներ, ինչպէս աղին է ձեր սիրտը և միան-
գամայն ինչպէս պարզ. դուք կարծում էք թէ
ձեր յայտարարութեան միւս օրը աշխարհիս
չորս կողմէն վեր կը կենան հայերը ու իրանց
առողջ դատողութիւնը, իրանց օգտակար խոր-
հուրդները ձեզ կառաջարկեն, բայց «թէ իսկ
իմն է, նորա զօրութիւնը ես գիտեմ», ձեր ձայնը
կը լինի ձայն բարբառոյ յանապատի. այո, կը

կարգան ձեր յայտարարութիւնը, կիմանան ձեր
թախանձանքը խնդիրքը, բայց նոյն րօպէին մո-
ռացութեան գետի մէջ կը խեղդեն զայն չղար-
դակ բան է, ֆանֆարօնութիւն է ասելով: Գու-
ցէ գտնվին ոմանք, որոնք կատարեն ձեր խնդրի-
քը, բայց զգոյշ կացե՛ք, այնպիսի պրօպագանդա
ձեզ կուղարկեն, որ դուք կը շտապէք ձեր յայ-
տարարութիւնը յետ առնելու, գիտե՛ք որ հայերը
սիրում են միայն պրօպագանդա տալ: Կուք յոյս
էք դնում մեր բարձր ուսումնաւորների վրա,
դուք կարծում էք թէ ձեր բարի ցանկութիւն-
ներն ու ազգօգուտ գործունէութիւնը նրանց
սրտերում աւելի շուտով արձագանք կը գտնեն,
բայց սխալվում էք, աղին բարեկամներ, նրանք
օտար են ձեզ, դադարեց բարեխիտ նրանց կուրծ-
քում այն սիրտը, որը բաբախում էր ուսանողա-
կան աթոռի վրա նստած ժամանակը, նրանք
վերկացան այդ աթոռից, վայր իջան իրողական
կենաց չըջանը և մոռացան շուտով իրանց սրտի
քաղցը բաբախումը, այժմ այդ սրտերը բաբա-
խում են իրանց տէրերի գրպաններին համեմատ,
նրանց տակտով, զանազան ալիւրներով, տեսակ
տեսակ որէյներ անելով: Որքան էլ մեծ ուշա-
դրութեամբ ականջ դնե՛ք այդ երաժշտութիւնը
ոչ մի ազգային ոտած չէք լսի նորա մէջ, Չէք
հաւատում ասածին, կասկածում էք սրա ճշմար-
տութեանը, ոչինչ, ես չեմ նեղանում, յուսամ, որ
փաստին կը հաւատաք, արդարութեան դէմ չէք
մեղանչի, համեցե՛ք, բաց արե՛ք ձեր ընկերու-
թեան անդամոց ցուցակը և նայեցե՛ք բարձր ու-
սումնարաններից, կամ, որ կուրծք էք, ինտելի-
գենցիայից քանի անձինք են գրվել ընկերու-
թեանը անդամ: Կատարեցե՛ք խնդիրքս և ես ձեզ
իրաւունք եմ տալիս, որ եթէ երեք—չորսէն ա-
ւելի անուն գտնե՛ք, վեր առե՛ք այդ ցուցակը և
աչքս կ'օրհնեմ: Բայց, փառք Աստուծոյ, աչքս
անփաստ մնաց և ինքներդ համոզվեցիք, որ ա-

սածս ուղիղ է. սակայն տեսնում եմ, որ դուք
երկմտութեան մէջ էք, կատարելապէս հաւատ
չէք ընծայում ասածին, ասում էք որ մէկ օրի-
նակով ոչինչ չէ կարելի ապացուցանել, շատ գե-
ղեցիկ, մի ուրիշ օրինակ բերեմ. վեր առե՛ք Վը-
շակի, «Մեղու Հայաստանի» և ազգային այլ
լրագիրներին անցեալ տարուայ համարները և ու-
ղարկութեամբ փնտրեցե՛ք նրանց մէջ ի թիւս
սովաւրների նպատողների մեր ինտելիգենցիա-
յի, մեր բարձր ուսումնաւորների և այսօր բարօ-
րութեան մէջ ապրող անձանց անունները, որ-
քան կը գտնե՛ք, շատ քիչ: Ե՛հ, աղին. բարեկամ
ներ, մի հարկադրե՛ք ինձ, որ ուրիշ օրինակներ
բերեմ, նրանք շատ են, բայց թէ ժամանակը չէ
ներում և թէ իմ ու ձեր սրտերին նեղութիւն է
պատճառում ճշմարտութեան խոստովանելը, ու-
րեմն աւելի լաւ է լռենք... Գուցէ այս ես ա-
սե՛ք, թէ այդ անձինքը բոլոր սրտով համակրում
են ձեզ, բայց նրանց նիւթական միջոցները չեն
ներում ձեզ օգնելու. դադարեցե՛ք, խնդրեմ, հա-
ւերն անգամ կը խնդան ձեր ասածին. չը կարո-
ղանալ որ և իցէ 12 ֆրանկ (4 1/2 ռուբլի) տարե-
կան վճարել ձեր ընկերութեանը, այդ մի և նոյնն
է, թէ սանդուղտի մէկ աստիճանից չը կարողա-
նալ միւսի վրա ելլել. և ինչ է, ասե՛ք խնդրեմ,
4 1/2 ռուբլին բժշկի համար—մէկ անգամ հիւան-
դի երակը բռնել, իրաւաբանի համար—երեք
խօսք, ինժեների, տեխնիկի համար—մատիտի մէկ
գիծ, երկրագործի համար—մէկ թիղ գետին, վա-
ճառականի համար—մէկ արշին կտաւ և այլն և
այլն: Ո՛չ, բարեկամներ, թողնե՛ք հանգիստ մեր
ինտելիգենցիան, մեր բարձր ուսումնաւոր պա-
րոններին, առանց ձեր ընկերութեանն էլ նրանց
գործերը շատ են. չէ որ նրանք պէտք է մտա-
ծեն իրանց օգուտները, շահերը վրա, իրանց կեն-
սական պիտոյքների մասին, շահաւէտ պաշտօն-
ներ և ամենայն տեսակ կոնֆօրմներ ձեռք բե-

րելու վրա, թողնե՛ք դրանց հանգիստ և մեր աչ-
քերը դարձնե՛ք մեր մշակ, երեսի քրտնքով օ-
րական հացը վատաւորող եղբայր վրա. մեր, այ-
սինքն, ազգի ոյժը նրանք են, ձեզ համակրող և
ձեզ նպաստող նրանք են, նրանց քրտնքի կա-
թիլներն են, որ հատիկ հատիկ թափվելով ազ-
գային աւազանի մէջ՝ կազմում են յորդանոս ա-
ռու և լուսնում, մաքրում ազգի վերքերը, նրանք
են ազգի այն գետակները, որ իրանց արագ ըն-
թացքով պտուղնում են ազգի ջաղացները. մինչ-
դեռ մեր ինտելիգենցիային պատկանող պարոն-
ները ազգի համար ուրիշ ոչինչ չեն, բայց եթէ
այն լճակները, որոնք գեղեցիկ մարգագետինների
վրա զետեղված՝ միայն անցուղաբռնողների աչ-
քերին գեղեցիկ տեսարան են ներկայացնում, ո-
չինչ օգուտ չը բերելով, դրանց ջուրը անգամ չէ
կարելի խմել, որովհետեւ միշտ մէկ տեղ կանգնե-
լով և չը նորոգվելով՝ նա հոտել է: Եթէ ասածս
սուտ է և զրպարտութիւն ապա թող ապացու-
ցանեն այդ պարոնները դրա հակառակը, թող
ցոյց տան դրանք փարիլի ուսանողներին իրանց
համակրութիւնը նրանց ընկերութեանը նպաստե-
լով. բայց ցոյց տան գործով և ոչ միայն խօս-
քով, ահա լաւ պատիճ. ընկերութիւնը կարօտ է
թէ նիւթական օգնութեան, թէ հիմնաւոր, ա-
ռողջարար խորհուրդների, թող սթափեն դրանք
իրանց վրայից այդ սպանիչ անտարբերութիւնը
ու մահացուցիչ թմրութիւնը և ձեռք կառկառեն
իրանց եղբայրներին, մի խօսքով թող ճանչնան
և կատարեն իրանց բարոյական պարտքը. այն
ժամանակ ես մեղայ կը գամ դրանց առաջ և
դրանց ձեռքերը համարելով ներողութիւն կը
խնդրեմ սխալմանցս համար:

Փարիլ գտնվելով՝ ես չէի կարող օգուտ չը
քաղել հանգամանքէն և չայցելել մեր վերջին
թագաւոր Լևոն Զ-ի գերեզմանը, ուստի մէկ օր
պ. Ռաֆայելեանի ընկերութեամբ գնացի Սէն-Կէ-